

in integrum tibi tuisque successoribus confirmaremus, sicut a beato Gregorio, Nicolao & aliis prædecessoribus nostris decretum est, in tuæ & antecessoribus tuis data sunt, & privilegiis confirmata, nos, Apostolica auctoritate tibi concedimus, & nostro privilegio confirmamus, scilicet omnia, quæ generaliter & specialiter ad eundem præfatum Archiepiscopatum pertinent, quæque tui antecessores suis laboribus adquisiverunt, vel etiam, quæ ob amorem æternæ patriæ ibi a Christi fidelibus largita sunt, vel adhuc largiuntur. Cum illis etiam, qui hoc tempore ad Christi fidem conversi sunt, procurante & protegente gratia Dei, videlicet Episcopus in omnibus gentibus Sveonum seu Danorum, Norvegiarum, Island, Scrideuinnum, Gronlandon & universarum Septentrionalium Nationum, nec non etiam in illis partibus Slavorum que sunt a flumine Pene, ad fluvium Egidore, ita, ut sub tua, tuorumque Successorum Hammaburgensis Ecclesie Archiepiscoporum maneant potestate, vel quicquid a nobis diuina fauente gratia, ab errore per fidei, siue hominum siue locorum ad religionem Christianam acquiript., tibi tuisque Successoribus perpetualiter tenendum, inviolabiliterque retinendum censemus. Et insuper decrevimus nullum Archiepiscoporum vel Coloniensium, vel alium quemlibet in tua diocesi ullam sibi vindicare potestatem, & cætera. Caput quoque tuum mitra, quod est insigne Romanorum, permittimus insigniri. Quod si quis huic nostræ auctoritatis privilegio contraire præsumat, anathema sit, qui vero pie observaverit gratiam & benedictionem consequatur a domino nostro Jesu Christo dat III. kl. nouembris per manus Leonis sancte Romane Sedis Cancellarii. Anno Domini Johannis Pape primo Indictione viiij.

15.

952 d. 2 Jan.

Påfv. AGAPETUS II:s stadfästelse för Ärke-B. ADALDAG på Hamburgs Ärke-Biskops döme, med tillstånd att bära pallium och att hafva inseeende öfver Sveriges och andra Nordiska Rikens kyrkoväsende.

AGAPETUS Episcopus, Servus Servorum Dei, Reverendissimo ac Sanctissimo Adaldago Sanctæ Hammaburgensis Ecclesiæ, tuisque Successoribus in perpetuum. Convenit Apostolico moderamini pia religione pollentibus benevola compassione succurrere, & poscentium animis alacri devotione imperitari. Ex hoc enim lucri potissimum præmium apud conditorem omnium, Dominum, procul dubio promeremur, dum venerabilia loca opportune ad meliorem fuerint statum, sine dubio perducta. Igitur, quia postulatis a nobis, quatenus Archiepiscopatum Hammaburgensis Ecclesiæ totum integrum vobis confirmaremus, sicut a præcessore nostro Domino Nicolao hujus Apostolicæ

sedis decretum est, inclinati precibus Hadumari Fuldensis Abbatis, Apostolica auctoritate concedimus cum omnibus generaliter ac specialiter locis ad eundem præfatum vestrum Archiepiscopatum pertinentibus, scilicet omnia, quæ vestri antecessores suis laboribus adquisiverunt, vel etiam amore æternæ Patriæ ibi Christicolarum fidelibus largita sunt, vel largiuntur, cum illis etiam, qui nunc, tuo tempore, divina protegente gratia, ad Christi conversi sunt fidem, videlicet Episcopis Danorum, Norvenorum Sueonum, nec non omnium Septentrionalium partium. Pallium quoque & usum ejus, in prænominatis a prædicto Papa festis, habendum, tibi & omnibus sucesoribus tuis perpetuo decernimus. Deinceps vero nullum Archiepiscoporum vel Colonensem, vel alium quemlibet in vestra diocesi ullam sibi vindicare decernimus potestatem, quinimo & ipsis & omnibus omnino suademus cultoribus veræ religionis, ut adjutorium & solatia vobis in omnibus administrent, quatenus pro gratia hujus beneficii plenam recipere mercedem a Domino mereantur, quum omnia qua præficia Ecclesiæ probantur existere, & diuinis non impugnant præceptionibus efficienda & præbenda omnipotentis Dei auctoritate & beatorum Apostolorum Petri ac Pauli esse non dubitamus. Et hoc nostro decreto decernimus secundum prænominati bonæ memoriæ Nicolai Papæ sanctionem & Reverentissimi Regis Ludovici votum ipsas prædictas dioceses Hammaburgensem & Bremensem non deinceps duas sed unam esse & vocari. Omnem quoque adversantem anathematis mucrone percutimus, perpetuæque ultionis reum diabolica sorte dampnamus, ut culmen Apostolicum more Prædecessorum nostrorum, causamque Dei pro affectu celantes ab adversis hinc inde partibus muniamus. Apostolica igitur Auctoritate Bernardo Episcopo Alverstedensis, Thidardo Hildenesensis Ecclesiæ & cæteris conterminalibus Episcopis insuper jubemus & eos monemus, ut te in omnibus adjuvent, quatenus Sacerdotale ministerium explere & animarum lucra Domino Jesu Christo facilius acquirere valeas. Auctoritate igitur Apostolica & censura, sub divini judicii obtestatione & anathematis interdictu statuimus, ut nulla persona, magna vel parva, cujuscunque ordinis aut dignitatis sit, omnia, quæ a nobis, vel prædecessoribus nostris Ecclesiæ tuæ & tibi concessa sunt violet. Quicumque autem mutaverit vel in aliquo violare præsumserit, nisi resipuerit, auctoritate Dei & beati Petri & nostra, qui ejus fungimur Vicariatione, perpetui anathematis vinculo sit innodatus. Qui vero custos & observator extiterit, benedictionis gratiam & cœlestis retributionis a justo judice domino Deo nostro consequi mereatur. Scriptum per manum Azonis Notarii, Regionarii atque Scriniarii sanctæ Romanæ Ecclesiæ, in mense Januario, Indictione VI. Datæ IIII Nonas Januarii, per manum Andreae Arcarii Sanctæ Scdis Apostolicæ, in Sacratissima Sede beati Petri Apostoli indictione VI.